

四書義上

新政應試必讀第五種 四書義目錄

元和少逸顧厚焜鑒定

子曰學而時習之 一章義

有子曰其為人也孝弟 一章義

孝弟也者其為仁之本與義

其使民也義義

季文子三思而後行 二章義

十室之邑必有忠信義

述而不作 一章義

子以四教文行忠信義

子釣而不綱弋不射宿義

以能問於不能義

達巷黨人曰 一節義

式負版者義

李泰來

沈敬學

俞樾

鄒紹林

俞樾

楊廣元

梁登瀛

王廷棟

吳釗元

曹元弼

王廷棟

汪開祉

從我於陳蔡者義

賜不受命而貨殖焉義

求爾何如一節義

請問其目義

哀公問於有若曰一章義

子曰必也正名乎義

使於四方不辱君命義

管仲奪伯氏駢邑三百義

晉文公誦而不正一章義

子曰桓公九合諸侯一節義

子曰古之學者為己一節義

逸民一節義

致知在格物義

詩曰周雖舊邦其命維新

汪家玉

沈鑑

金開第

俞樾

李泰來

許克勤

潘昌煦

夏時成

曹元達

施世述

俞陸雲

朱述

蔣煥章

王家賓

捨其不善而著其善人之視己如見其肺肝然義

有土此有財義

天命之謂性率性之謂道義

天命之謂性義

天地位焉萬物育焉義

君子中庸義

寬柔以教義

素夷狄行乎夷狄義

來百工則財用足義

時使薄歛義

日省月試既稟稱事所以勸百工也

舉廢國義

孟子見梁惠王

六節義

孟子見梁惠王

六節義

蔣煒祖

鄒福傑

華翼綸

陳冕

李銘

朱振曾

宋肇珪

劉傳福

王家賓

朱兆鴻

潘敦先

鹿新

彭世襄

孔昭晉

薄稅歛義

仁者無敵義

盡亦反其本矣義

今之樂猶古之樂也義

交鄰國有道乎義

畜君者好君也義

國君進賢如不得已義

市廛而不征法而不廛義

市廛而不征法而不廛義

孟子曰天時不如地利 一章義

威天下不以兵革之利義

取於民有制義

夫仁政必自經界始義

卿以下 一節義

宋肇琪

王宗葆

俞樾

華翼綸

唐才常

王璫

洪鈺

彭世襄

孔昭晉

潘昌煦

廖恆

張綸

葉熾

姚維金

有為神農之言者 一節義

閑先聖之道距楊墨放淫辭義

閑先聖之道義

息邪說義

能言距楊墨者聖人之徒也義

夫國君好仁天下無敵義

夫國好好仁天下無敵義

其事則齊桓晉文其文則史義

王使人闢夫子義

獨孤臣孽子 一節義

盡信書則不如無書義

諸侯之寶三土地人民政事義

李泰來

曹元忠

金開第

許珏

張茂炯

卜一

顧禹謨

王有德

俞樾

蔣煒祖

王廷棟

唐才常

子曰學而時習之 全章義

李泰來

魯論一書為千古學術之正統時習一語尤為魯論言學之大綱人第知孔子生知不學而能而不知其授受一堂師表萬世無往不從學中來實無往不從時習之學中來門弟子類記聖訓故於二十篇之首開宗明義大書而特書之曰學學者何學為君子而已學君子而不能遠為君子也則必循序以造之畢生以赴之及至終日終夜不知老之將至而後已於是乎謂之時習學君子而不能獨為君子也則必聲氣以通之誘掖以成之及乎在前在後竟至欲從末由而後已於是乎謂之朋來且學君子而不能自居為君子也則必藏器以待之隨遇而安之甚或誰毀誰譽但使求為可知而已於是乎謂之人不知而不愠故其告子路也發憤忘食樂以忘憂此即學中由苦得甘之候也悅也其在陳蔡也德行言語政事文學此即學中推己及人之效也樂也其謂顏淵也用之則行舍之則藏此又學中樂天知命之境也不愠也夫學而至於說說而至於樂樂而至於不愠必如是而後可自信為君子而後可自信為學中之君子而後可自信為學而時習之君子孔子蓋千古中人也千古而無孔子則已千古而有孔子則即有創新學以與孔子敵立異學以與孔子抗

者吾知其可以盛於一時必不能盛於異時也。可以行於一邦必不能行於遠方也。可以邀流俗之知遇必不能為聖賢之知己也。今日朝廷之上庠序之中談經濟開風氣紛紛然自命為識時之君子者其亦思孔門之學從游者三千七十望道者宗廟百官閱千百祀而氣象猶新也。吾故一言以斷之曰魯論一書為千古學術之正統時習一語尤為魯論言學之大綱。

有子曰其為人也孝弟 全章義

沈敬學

按檀弓所記子游謂有若之言似夫子子與氏亦謂有若似聖人觀於孝弟務本之說而益昭昭可信矣何則有子此言蓋學者入道之門積德之基也魯論二十篇其首章言學其次章即言仁以時習之說熟乎仁而說也朋來之樂輔乎仁而樂也至於不知不愠則庶幾安乎仁矣有子發明此義即以為仁之本繼聖訓而立論其宗旨便與諸弟子不同况孔子作春秋而亂臣賊子懼誠以君父之大變實釀於家庭之細故自古未有仁一身而不能仁天下者亦未有仁天下而不能仁一身者堯舜帥天下以仁而民從桀紂帥天下以暴而民從帥者何本是也從者何道是也其人而為在上之人但使宮寢有孺慕之聖人邦家有刑于之雅化而宇宙之戾氣消矣其人而為在下之人但使門庭有定省之儀又鄉里有豆觴之德意而子弟之澆風息矣是豈孝弟之足以盡仁哉亦非孝弟而無以成仁耶是故人有智慧而孝弟則無智無愚也人有貴賤而孝弟則無貴無賤也人有古今而孝弟則無古無今也天無日月而不能廢地無江河而不能載時無寒暑而不能行人無孝弟而不能立千古犯上之變必從不孝不弟而發其端未有孝行弟道而忍行悖逆之事者也千古

作亂之萌必至不孝不弟而後見。未有孝子弟悌而甘為叛賊之徒者也。大學謂君子不出家而成教於國。孝者所以事君。弟者所以事長。又曰上老老而民興孝。上長長而民興弟。可與有子之言相印證矣。至於本立道生。近而取之。雖夫婦之道。可以與知能推而廣之。雖堯舜之道。不必求高遠。而何論犯上。而何論作亂。即極諸治國平天下。君子亦於斯券之也。故魯論於首章言學之後。即次有子之言。以為學者求仁之方。

孝弟也者其為仁之本與義

俞樾

論語次章載有子之言曰孝弟也者其為仁之本與斯言也必聖人所深許諸弟子所共服故首篇即載之信乎其為篤論也乃後儒於斯言則異議滋多矣集注引程子曰為仁以孝弟為本論性則以仁為孝弟之本又曰孝弟是仁之一事謂之行仁之本則可謂是仁之本則不可然則有子之言其未為篤論乎以愚論之本蓋有二有存乎天之本有存乎人之本天地以生物為心而所生之物各得天地生物之心以為心所謂性也不可得名也強之為名則曰仁而已矣此存乎天之本也仁是也人之初生不知有一人不知有一事數月之後則知有母矣又數月則知有父矣又數月則知某某為其兄矣一人不知而先知有父母兄一事不知而先知親愛其父母以及其兄此存乎人之本也孝弟是也今有子之言發端即曰其為人也就人而論矣安得不以孝弟為本乎孟子曰舜盡事親之道而瞽瞍底豫瞽瞍底豫而天下化瞽瞍底豫而天下之為父子者定夫舜以得親順親而化及天下之父子然則舜之仁舜之孝也中庸曰武王繼太王王季文王之緒壹戎衣而有天下夫武王誅紂伐奄救民於水火之中而皆本於繼前人之志述前人之事然則武王之仁

武王之孝也。孝弟也者，其為仁之本與？夫仁孝後先，久無定論。漢延篤論之曰：仁以枝葉扶疏為大，孝以心體根本為先。夫仁為枝葉，孝為根本，則先孝後仁。漢儒有定論矣。抑又思之：草木之生也，先以萌芽，繼以枝葉。於是而華，於是而實。鳥是實居最後也，及取其實而種之，俄而萌芽矣；俄而枝葉矣；俄而華矣；是實又居最先也。孝弟為仁之本乎？仁為孝弟之本乎？亦若是矣。必分為仁與仁而二之，宜乎學者之轉病其支離也。

其使民也義義

鄒紹林

當紛然不一之時制肅然至一之法人之創見而偶經者未始不以為病已矣實則按之當今之務補偏救弊適合乎宜也論語子謂子產曰其使民也義蓋當靜言思之而得其旨焉子皮授子產以政其為年也少其為國也小其為族也大不有難以使民者乎雖然鄭之俗靡矣都鄙無章畫井分田之成規渺乎莫接矣鄭之俗文矣上下無服富豪僭越之習沿紛然觸目知鄭之俗漓矣經界封洫之制度蕩然無留矣鄭之俗弊矣寓兵於農之遺意者乎莫覩矣相沿已久君不知變臣不知變並民亦不知其非也苟不有子產者出其何以變其禮而革其俗哉然而義之使也亦難矣其俗始變民扞格而不入羣居鄉校而毀之則庶人亦議其弊始革民桀鑿而不通吾與孰殺之歌興則居下亦陵操心也危慮事也深致感有心人欲毀鄉校賴子皮輔翼之助成之是以得施其經濟也其難為何如哉然而扞格難入者特未信則為厲已時也桀鑿難通者特甫被而情不相屬時也迨至優柔厭飲向之所耳目一新者至斯知為身心是慮矣故鼓舞歡欣其心易心悅誠服其議消憂深慮遠其歌變夫而後都鄙有章也夫而後上下有服也夫而後田有封洫廬有井伍也餘蓋可

知矣中庸義者宜也。行而宜之之謂義。此之謂也。然諷譏謗議固不知子產之使爲
何如。即愛戴瞻仰亦未知子產之使果爲何如也。夫子以義明之。誠千古不易之言
哉。

季文子三思而後行 兩章義

俞樾

知者與愚者遇。知者必勝。愚者必敗。事之常也。然天下事往往知者敗。愚者成。則何故歟。此天人之辨也。人之不能與天爭也久矣。故純乎天者無不勝。而禪乎人者無不敗。知者挾其心計之工。一事至吾前。統始終而籌之。舉輕重而權之。若者有利。若者有害。審之又審。而後一試焉。其賴以集事者。固有之矣。然天之為天。往往出於所料之外。備之於此。失之於彼。一敗塗地。而至於不可復振者。豈少也哉。若夫愚者則不然。為吾分之所當為而已。事之難易不問也。盡吾之所力之能盡而已。人之毀譽不顧也。其始跋前疐後。見笑於天下者。蓋不少矣。然精神之至。可以通天地。可以感鬼神。國家之事。終必賴之。此孔子所以並論季文子。甯武子。與季文子三思而後行。是其周詳審慎。亦有可取。而夫子則非之曰。再斯可矣。甯武子邦有道則知。邦無道則愚。夫子不取其知。而取其愚。曰。其知可及也。其愚不可及也。蓋嘗論之。季文子知者也。三思而後行。則禪以人矣。甯武子之愚。純乎天者也。二子之優劣。其天人之辨歟。李斯聞趙高之論曰。斯奉主之詔。聽天之命。何慮之可定。此其所見。豈不正哉。乃終惑於趙高。因禍為福之言。奪其本志。以至於具五刑而死。嗚呼。仁而不武。無

能達也。幸則為季文子，不幸則為李斯矣。諸葛武侯之告後主也，曰鞠躬盡瘁，死而後已。成敗利鈍，非臣之明所能逆覩也。其愚不可及。殆有甯武子之風乎。桓魋十步九計而終無成功。周勃厚重少文。漢高祖謂安劉氏者必勃。是故朝廷之上，誠欲經營天下，宏濟艱難，竊謂有季文子百，不如有甯武子一。